

REGIONALNI STAMBENI PROGRAM - RSP

Broj: 04-36-1-134-9719-3 /13

Datum: 15-04-2021

Na osnovu člana 70. stav (1) i (3) Zakona o javnim nabavkama – u daljem tekstu: Zakon („Službeni glasnik BiH“, broj: 39/14) i Rješenja o ovlaštenju federalnog ministra raseljenih osoba i izbjeglica, broj: 04-36-1-134-8551/13 od 02.07.2018. godine, a na Preporuku Komisije za javne nabavke, imenovane Rješenjem broj: 04-36-1-134-9580-2/13 od 20.01.2021. godine, Federalni ministar raseljenih osoba i izbjeglica **d o n o s i**

O D L U K U

O IZBORU NAJPOVOLJNIJEG PONUĐAČA –

Usluga vršenja nadzora nad izvođenjem građevinskih radova na izgradnji/rekonstrukciji stambenih jedinica u gradovima/općinama: Stolac (1 st.jedinica), Čapljina (3 st.jedinice), Mostar (6 st.jedinica) i Konjic (1 st.jedinica) - 11 stambenih jedinica, u okviru Regionalnog stambenog projekta – RSP, BiH5 Pod-projekta, 14/20-RSP-BIH5

LOT 4

I

U cilju odabira najpovoljnijeg ponuđača, nakon provedenog otvorenog postupka javne nabavke usluga - Nadzor nad izvođenjem građevinskih radova na izgradnji/rekonstrukciji stambenih jedinica u gradovima/općinama: Stolac (1 st.jedinica), Čapljina (3 st.jedinice), Mostar (6 st.jedinica) i Konjic (1 st.jedinica) - 11 stambenih jedinica, u okviru Regionalnog stambenog projekta – RSP, BiH5 Pod-projekta, 14/20-RSP-BIH5, kao najbolje ocijenjena prihvatljiva ponuda je ponuda ponuđača: **“VIZIJA” d.o.o. SARAJEVO, sa ukupnom cijenom ponude sa uračunatim popustom bez PDV - a u iznosu od 3.223,00 KM.**

II

Ponuđač iz tačke I ove odluke ocijenjen je kao prihvatljiv, jer ispunjava sve uslove postavljene tenderskom dokumentacijom.

III

Dokaze o kvalifikaciji ponuđača, ponuđač je obavezan dostaviti u roku od 7 (sedam) dana od dana obavještenja ponuđača o rezultatima postupka, u skladu sa odredbama tenderske dokumentacije.

IV

Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona, istovremeno s upućivanjem iste ponuđaču koji je učestvovao u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka nabavke, broj: 04-36-1-134-9580/13 od 25.12.2020. godine. Javna nabavka provedena je putem otvorenog postupka. Predmet nabavke podijeljen je na šest LOT-a. Ukupna procijenjena vrijednost nabavke iznosila je 23.763,00 KM, bez PDV-a i predviđena je Planom javnih nabavki za 2020. godinu u okviru Regionalnog stambenog programa, pod rednim brojem 14/20-RSP-BIH5. Procijenjena vrijednost nabavke za Lot 4 je iznosila 3.227,00 KM. Obavijest o nabavci, broj: 668-1-2-126-3-150/20 poslana je na objavu 30.12.2020. godine, te je zajedno sa tenderskom dokumentacijom istog dana objavljena na portalu javnih nabavki. Sažetak Obavještenja o nabavci objavljen je u „Službenom glasniku BiH – Oglasnik javne nabavke“, broj: 01/21.

Tri ponuđača su dostavila ponudu u predmetnom postupku nabavke. Ponude su dostavljene blagovremeno. Ponude su dostavili sljedeći ponuđači: „PROKONSING“ D.O.O. MOSTAR, „INPROS“ D.O.O. MOSTAR I „VIZIJA“ D.O.O. SARAJEVO.

Komisija za javne nabavke, imenovana Rješenjem, broj: 04-36-1-134-9580-2/13 od 20.01.2021. godine, izvršila je pregled i evaluaciju prispjelih ponuda i konstatovala da je od ukupno 3 (tri) dostavljene ponude, 1 (jedna) ponuda prihvatljiva za ugovorni organ.

Ponuda dostavljena od strane ponuđača "PROKONSING" D.O.O. MOSTAR je neprihvatljiva jer ne ispunjava uslove tražene tenderskom dokumentacijom tačkom: 7.3.1.: Ponuda mora sadržavati Izjavu (ovjerenu od nadležnog organa) o ukupnom prometu ponuđača, za posljednje dvije finansijske godine (2018, 2019) u iznosu od 5.500,00 KM za koje se raspolaže podacima, ili od datuma registracije, odnosno početka poslovanja u predmetnom segmentu, ako je ponuđač registrovan, odnosno počeo sa radom prije manje od traženog perioda. U svakom slučaju, bez obzira na datum registracije, ponuđač mora da ispuni traženi uslov vezano za ukupni promet. Ponuđač u svojoj ponudi nije dostavio navedenu izjavu. Ponuda dostavljena od strane ponuđača "INPROS" D.O.O. MOSTAR je neprihvatljiva jer ne ispunjava uslove tražene tenderskom dokumentacijom tačkom: 7.4.: Da je u prethodne 3 godine (računajući period do datuma objavljivanja Obavještenja o nabavci), uspješno izvršio 1 ugovor, za Lot za koji se konkuriše, čiji su karakter i kompleksnost isti ili slični* onima koji se odnose na predmet javne nabavke, ukupne (zbirne) vrijednosti dostavljenih ugovora (2) od minimalno: Lot 4 – 3.200,00 KM. Zahtijevani broj ugovora mora biti ispunjen za lot, za koji se dostavlja ponuda. Zahtijevana minimalna ukupna vrijednost ugovora mora biti ispunjena za lot za koji se dostavlja ponuda. Ukoliko ponuđač dostavlja ponudu za više Lot-ova, minimalna ukupna vrijednost ugovora mora biti ispunjena kumulativno (zbirno) za sve Lot-ove za koje se dostavlja ponuda, Ukoliko ponuđač, koji konkuriše za više lotova, ne ispuni kumulativni/zbirni uslov, biće eliminisan sa svih lot-ova za koje je konkurisao. U dostavljenoj potvrdi izdatoj od strane „T3 Consulting Tim“ nije naveden period izvršenja ugovora. U dostavljenim potvrdama – 2 (dvije) izdatim od strane Ministarstva za izbjeglice i raseljena lica Republike Srpske navedena je samo godina izvršenja (2017.god.) ali ne i period izvršenja.

Predviđena e-aukcija nije provedena jer je prihvatljiva jedna ponuda, te provođenje e-aukcije nije moguće.

Na osnovu navedenog, Komisija je dostavila Projekt menadžeru Zapisnik o pregledu i ocjeni ponuda, broj: 04-36-1-134-9706-3/13 od 25.03.2021. godine zajedno sa Preporukom da se donese Odluka o izboru najpovoljnijeg ponuđača "VIZIJA" d.o.o. SARAJEVO, sa registriranim sjedištem na adresi u ul. Koševo br.6/1, Sarajevo, ID broj: 4209247560000, za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uslovima iz tenderske dokumentacije. U postupku ocjene provedenog postupka, Projekt menadžer nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove Odluke, ponuđač koji je učestvovao u postupku nabavke, može izjaviti žalbu Uredu za razmatranje žalbi Bosne i Hercegovine putem ugovornog organa Federalnog ministarstva raseljenih osoba i izbjeglica, u pisanoj formi direktno ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.

Dostaviti:

- Učesniku u postupku
- Web stranica Ministarstva
- Grupa poslova za javne nabavke
- a/a

MINISTAR

dr.sci. Edin Ramić